



**PREMIOS DA UNIVERSIDADE DA CORUÑA
Á EXCELENCIA ACADÉMICA NO BACHARELATO
E NOS CICLOS FORMATIVOS DE GRAO SUPERIOR
CURSO 2019/2020**

A universidade da Coruña (UDC), co fin de incentivar e recoñecer o especial aproveitamento do alumnado que accede por primeira vez aos estudos universitarios, fai pública a **convocatoria dos Premios á Excelencia Académica no Bacharelato e nos Ciclos Formativos de Grao Superior**.

1. Obxecto dos premios

Esta convocatoria, en réxime de concorrencia competitiva, ten como obxecto recoñecer o esforzo e a dedicación do alumnado que alcanzase uns resultados académicos excelentes nos seus estudos de Bacharelato e Ciclos Formativos de Grao Superior, premiando ao alumnado que teña a **mellor nota de admisión á universidade**, e que formalicen a súa matrícula en calquera das Titulacións oficiais de Grao e Programas de Simultaneidade de Grao, que se imparten nos centros propios da Universidade da Coruña (UDC) no curso académico 2019/2020.

2. Condicións das persoas solicitantes

Poderán solicitar a súa participación nesta convocatoria dos Premios da Universidade da Coruña á Excelencia Académica no Bacharelato e nos Ciclos Formativos de Grao Superior, todos aqueles estudantes que cumpran os seguintes requisitos:

- a) Ter finalizado os estudos de Bacharelato ou Ciclo de Formativo de Grao Superior, no curso académico 2018/2019, en calquera dos centros educativos recoñecidos pola administración educativa no territorio nacional.
- b) Ter obtido unha nota de admisión á universidade igual ou superior a 9,00. Non se terán en consideración aquelas solicitudes cunha media inferior á sinalada.
- c) Terse matriculado por primeira vez no curso académico 2019/2020 en calquera das titulacións oficiais de Grao ou Programa de Simultaneidade de Grao, impartidas nos centros propios da UDC.
- d) Non estar incurso/a en ningunha clase de inhabilitación para a obtención de axudas previstas nos números 2 e 3 do artigo 10 da Lei 9/2007, do 13 de xuño, de subvencións de Galicia, e estar ao día no cumprimento das obrigas tributarias ou fronte á Seguridade Social e non ter pendente de pagamento algunha outra débeda coa Administración pública da Comunidade Autónoma.

Todos os requisitos relacionados neste artigo deberán posuírse no día en que remate o prazo de presentación de solicitudes.

3. Forma, prazo e lugar de presentación das solicitudes

As persoas solicitantes deberán presentar a seguinte documentación:

Solicitud en que consten os seus datos persoais, segundo o modelo que figura como Anexo I desta convocatoria, que deberá presentarse de forma telemática a través do



formulario ao que se accede no seguinte enlace:

https://www.udc.es/gl/sape/bolsas_axudas_premios/premios-excelencia-academica-bacharelato-ciclo-superior/

O prazo de presentación de solicitudes contará **desde o 16 de xullo ata as 14:00h do 30 de setembro de 2019.**

4. Xurado dos Premios

A Comisión de Extensión Universitaria delegada do Consello de Goberno, presidida pola vicerreitora de Estudantes, Participación e Extensión Universitaria, actuará como xurado dos *Premios da Universidade da Coruña á Excelencia Académica* no Bacharelato e nos Ciclos Formativos de Grao Superior.

A súa composición pode consultarse na seguinte ligazón:
https://www.udc.es/gl/goberno/organos_coexiados_e_estatutarios/consello_goberno/comisiones_estables/index.html

Vicerreitoras

- Amor López, Margarita
- García de la Torre, M.^a Pilar

Profesorado

- Ávila Álvarez, Adriana Ivette
- Calvo Rolle, José Luis
- Dopico Calvo, Xurxo
- Ladra González, Susana
- Busto Lago, José M.
- Martín Santamaría, María José

Representantes do estudantado

- Bañón Goiriz, María
- Rey Furelos, Martín

Representantes do persoal de administración e servizos

- Caruncho Gil, M.^a Eugenia
- Vacante

5.- Procedemento e criterios para a concesión dos premios

Unha vez rematado o prazo de presentación de solicitudes, o Servizo de Estudantes comprobará que as persoas solicitantes cumpran os requisitos establecidos no apartado 2 da convocatoria.

A Vicerreitoría de Estudantes, Participación e Extensión Universitaria procederá á publicación no Taboleiro Electrónico Oficial da UDC da relación provisoria de persoas admitidas e excluídas, estas últimas xunto coa causa que implica a súa exclusión.

As persoas interesadas disporán dun prazo de cinco días hábiles para presentar unha reclamación e/ou achegaren a documentación que permita emendar os erros detectados.

Concederase un máximo dun premio por cada titulación de Grao e Programa de Simultaneidade de Grao, que se outorgará á persoa solicitante que teña a mellor nota de admisión na Universidade, de entre todos os que no curso académico 2019/2020 se matriculen por primeira vez en calquera das ditas titulacións oficiais impartidas nos centros



proprios da UDC.

No caso de empate, utilizarase como criterio dirimente a cualificación da nota de acceso/ cualificación do Ciclo Formativo de Grao Superior.

O xurado presentará ao Consello de Goberno unha proposta de resolución definitiva, en que poderá declarar deserto calquera dos premios.

6. Número de premios, dotación económica e financiamento

Concederase un premio por cada titulación de Grao e Programa de Simultaneidade de Grao oficiais da UDC.

Cada premio consistirá nun diploma acreditativo, expedido polo reitor da Universidade da Coruña, e a cantidade de cincocentos sesenta e cinco euros (565€) que se aboarán mediante a entrega dun cheque bancario a nome da persoa adxudicataria.

O importe do premio estará suxeito ás retencións que legalmente correspondan.

A concesión do premio figurará no expediente académico do/a alumno/a e farase constar fidedignamente.

Estes premios financiaranse con cargo á partida orzamentaria 0300030029.422D.480.02 Premios Excelencia Académica Bacharelato-Vicerreitoría de Estudantes, Participación e Extensión Universitaria.

7. Incompatibilidades

Estes premios serán incompatibles coas *Axudas da Universidade da Coruña aos gañadores das Olimpíadas Científicas, curso 2019-2020*.

8. Resolución de concesión e entrega dos premios

Cando o Consello de Goberno da UDC aprobe a proposta definitiva do xurado, farase pública no Taboleiro Electrónico Oficial a relación das persoas que obteñan os premios. Esta publicación será válida para os efectos previstos no artigo 45 da Lei 39/2015, do 1 de outubro, do procedemento administrativo común das administracións públicas

O acordo do Consello de Goberno esgotará a vía administrativa. Contra o dito acordo, poderá interpoñerse:

- a) ben un recurso potestativo de reposición, no prazo dun mes, que contará desde o día seguinte á súa publicación, segundo establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas;
- b) ben un recurso contencioso-administrativo, no prazo de dous meses, que contarán desde o día seguinte á súa publicación, de conformidade coa Lei 29/1998, do 13 de xullo, da xurisdición contencioso-administrativa.

O acto de entrega dos premios correspondentes a esta *convocatoria dos Premios da*



Universidade da Coruña á Excelencia Académica no Bacharelato e nos Ciclos Formativos de Grao Superior, terá lugar o día 27 de xaneiro de 2020, data na que a UDC celebrará a festividade do Día da Universidade.

9. Efectos dos premios

A obtención de calquera dos premios a que se refire esta convocatoria non producirá máis efectos que os establecidos nela.

10. Protección de datos

De acordo co que está previsto no "Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos" e na "Lei orgánica 3/2018 do 5 de decembro, de protección de datos persoais e garantía dos dereitos dixitais", informamos de que os datos solicitados neste formulario son necesarios para a tramitación da solicitude e poderán ser obxecto de tratamento automatizado.

Segundo o artigo 13 do "Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos", vostede ten dereito a lle solicitar á persoa responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a se opoñer ao devandito tratamento, así como a solicitar, agás casos de interese público e/ou exercicio de poderes públicos, a portabilidade dos seus datos. Poderá exercer estes dereitos por medio dunha solicitude remitida ao seguinte enderezo: R/ Maestranza 9, 15001, A Coruña ou ao correo electrónico secretariaxeral@udc.gal, coa referencia «protección de datos», a través dun escrito asinado para o efecto xunto cunha fotocopia do seu DNI. Tamén poderá dirixir a solicitude directamente ao delegado de protección de datos cuxa identidade e datos de contacto son: Luz María Puente Aba, R/ A Maestranza 9, 15001 A Coruña (España), teléfono: 881011605 e 881011161, correo-e: dpd@udc.gal

Igualmente ten vostede dereito a presentar a súa reclamación ante a Axencia Española de Protección de Datos

A Coruña, 28 de maio de 2019

A vicerreitora de Estudantes, Participación e Extensión Universitaria

Margarita Amor López



ANEXO I
SOLICITUDE DE PARTICIPACIÓN

**PREMIOS DA UNIVERSIDADE DA CORUÑA
Á EXCELENCIA ACADÉMICA NO BACHARELATO E NOS CICLOS
FORMATIVOS DE GRAO SUPERIOR
CURSO ACADÉMICO 2019/2020**

Nome e apelidos:

DNI: Teléfono:

Enderezo para os efectos de notificación:

.....

Poboación: Código postal:

Centro da UDC en que está matriculado/a:

.....

Titulación en que está matriculado/a:

.....

Nota de admisión na titulación:

Nota de acceso á Universidade:

Nota do Ciclo Formativo de Grao Superior:

A Coruña/Ferrol, de de 2019

Asdo.:

VICERREITORA DE ESTUDANTES, PARTICIPACIÓN E EXTENSIÓN UNIVERSITARIA